


# LETTRES PA-

TENTES DV ROY,

portant qu'il sera incessamment procedé par la Cour des Grands Iours de Poitiers à l'instruction & Iugemens de tous procès Criminels, punition des coupables suivant la rigueur des Ordonnances & les absens chastiez par le Razement de leurs Maisons s'il y eschet.



A POICTIERS,

Par ABRAHAM MOVNIN, Imprimeur  
Ordinaire de la Cour des Grands Iours.

M. DC. XXXIIII

---

*Avec Privilege du Roy.*





OVIS PAR LA  
GRACE DE DIEV  
ROY DE FRANCE  
ET DE NAVARRE:

A tous ceux qui ces  
presêtes Lettres ver-  
ront, Salut. Ayant estably vne Cour  
des Grands Iours en nostre ville de  
Poictiers, pour en l'estenduë du res-  
fort que nous luy auons donné, co-  
gnoistre de tous les abus qui se sont  
introduicts parmy nos Subiects, & les  
reprimer avec la diligence & seuerité  
conuenables, & voulant pour cet effet  
donner moyen à nostre dicte Cour de  
proceder contre les coupables, & prin-  
cipalement contre ceux qui se vou-  
droient exempter par la fuite de la pu-  
nition de leurs crimes, non seulement  
par les voyes accoustumées; mais en-

A ij

cores par les plus exemplaires, & qui  
 laissant à la posterité vne notte perpe-  
 tuelle d'infamie contre les mechans,  
 destournent d'autant plus puissam-  
 ment vn chacun de mal faire à l'adue-  
 nir; Sçauoir faisons que nous pour ces  
 causes & autres à ce nous mouuans;  
 A V O N S dit & déclaré, D I S O N S &  
 declarons par ces presentes signées de  
 nostre main; V O U L O N S & nous plaist,  
 qu'il soit procedé par nostre dicte  
 Cour à l'instruction & iugement des  
 procès de tous ceux qui seront defe-  
 rez en icelle, & preuenus d'aucuns  
 crimes le plus sommairement & brief-  
 uement que faire se pourra, & que  
 les conuaincus soient exemplairement  
 chastiez & punis selon l'enormité de  
 leurs crimes par les peines accoustu-  
 mées, & suiuant la rigueur de nos Or-  
 donnances, mesmes les absens par le  
 razement de leurs maisons si le cas le  
 requiert, soit Officiers de nostre Iusti-  
 ce ou autres nos Subjects sans aucuns

reſeruer ny excepter de quelque qualité & condition qu'ils puiſſent eſtre, Voulons & entendons que ce qui prouiendra des amendes & conſiſcations des biens des condemnez ſoit employé aux frais qu'il conuiendra faire, tant pour abatre les maiſons d'ot noſtre diète Cour ordonnera le raze-ment, qu'aux reparations de nos places frontieres, en conſequence dequoy nous declarons en outre noſtre vouloir & intention eſtre de ne faire n'y accorder aucunes graces, abolitions, ny euocations pour les crimes ou cauſes dont noſtre diète Cour aura pris cognoiſſance en faueur de qui que ce ſoit, & pour quelque conſideration que ce puiſſe eſtre, voulant que ſi par imporunité l'on obtenoit de nous quelques lettres adreſſantes à noſtre diète Cour pour deſroger ou preiudicier à ces preſentes elle n'y aye aucun eſgard, comme eſtans obtenües de nous par ſurpriſe contre cette noſtre volonté & in-

tention, laquelle nous voulons estre gardée entretenüe & obseruée inuiolablement, Si donnons en mandement à nos amez & feaux les gens tenant nostre dicte Cour des Grands Iours establee à Poictiers que ces presentes ils fassent lire publier & enregistrer, & le contenu en icelles garder & obseruer, & faire garder & obseruer en toute l'estendue de leur ressort selon leur forme & teneur sans y contreuenir, ny permettre qu'ils soient contreuenus en aucune maniere : Car tel est nostre plaisir ; En tesmoing dequoy nous auons fait mettre nostre Scel à ces presentes, **DONNE'** à Monceaux le dixiesme jour de Septembre l'an de grace mil six cens trente quatre, & de nostre regne le vingt-cinquiesme.

**L** *Enes publiées & registrées, ouy & ce requerant le Procureur General du Roy, pour estre executées selon leur forme & teneur, & coppies collationnées enuoyées es baillages &*

*Seneschauſſées du reſſort, pour y eſtre lenës publiées  
& regiſtrées, gardées & executées, A Poi-  
tiers és Grands Iours, le deuxieſme Octobre  
mil ſix cens trente quatre.*

Signé, RADIGVES.

